



4. juni 2007

Inatsisartut Suleriaasissaanni § 36 imm. 1 naapertorlugu apeqqutit uku Naalackersuisunut apeqquti-gaakka:

Naalackersuisunut apeqqut Danmarkimi kalaallit ilinniagaqartut angalanernut tapiiffigine-qartarnerat pillugu.

(Inatsisartuni ilaasortaq Lene Knüppel, Demokraatit)

Pissutigisaq:

Sermitsiap nittartagaatigut ulloq 31. maj 2007 allaatigisaq saqqummersinneqarsimavoq Danmarkimi kalaallit ilinniagaqartut angalanernut tapiiffigineqartarnerannut periarfissat pillugit.

Allaatigisamit takuneqarsinnaavoq kalaallit Danmarkimi ilinniagaqartut ilaat qimutsuittunut bussinullu ilaasartaatinut kortinut piffissami killilimmi atortartunut akikilliliivigineqarnissamik periarfissaqanngitsut, qallunaat savalimmiormiullu ilinniagaqartut pisinnaasaasa assigannik.

Kalaallit Danmarkimi ilinniagaqartut 16 aamma 26 akornanni ukiullit inuusuttut allat tamarnik assigalugit manna tikillugu Wildcard-imik taallugu aaqqissuussaq atorsinnaasimagaluarpaat, Danmarkimi¹ qimutsuittunut bussinullu billitsinut 50 % angullugu akikilliliivigineqarlutik. DSB-p Wildcard-imik aaqqissuussaa pillugu (B47²) Folketingip akuerisassaatur siunnersuutip atortuulersinneqarnissaa ilimagineqartoq malillugu aaqqissuussaq annertusineqassaaq siunissami SU-mik ilinniagaqarnersiutillit 26 sinnerlugit ukiullit aamma ilaatinneqalissallutik. Taamaalilluni akikillilerummik aaqqissuussaq inunnit 40.000 tikillugit amerlanerusunik atorneqalernissaa ilimagineqarpoq. Kisianni kalaallit Danmarkimi ilinniagaqartut 26 sinnerlugit ukiullit, tassa inuit 200 missaannik amerlassuseqartut, periarfissaq tamanna nutaaq atorsinnaanngilaat. Tassunga patsisaavoq Danmarkimi SU-mik ilinniagaqarnersiuteqartutut naatsorsuunneqarneq ajormata, tassunga taarsiullugu kalaallit ilinniagaqarnersiutaannik pisartagaqarmata.

Tamanna paasinartumik assigiinngisitsinertut naleqqutinngitsutut misigineqarpoq – minnerunngitsumik pissutigalugu kalaallit Danmarkimi ilinniagaqartut siusinnerusukkut Namminersornerullutik Oqartussaninngaanniit angalanernut tapiissutisiaqartinneqarnikummata. Naluneqanngitsutuut tapiissut taanna peerneqarnikuvoq.

Taamaattumik Danmarkimi kalaallit ilinniagaqartut kattuffiat, Avalak, Sermitsiap nittartagaa ulloq 31. maj 2007 naapertorlugu, Folketingimi politikerit qallunaat kalaallillu inassimavai akikillilerutip piumasagaatai isumaliutigeqqeqqullugit. Pissutsit siunissaanngitsut pissutigalugit kalaallit folketingimi politikeriisa suliamut uunga akuliunnissartik sulii pisariaqartissorisimangilaat!

Qulaani allassimasut tunngavigalugit Naalackersuisunut apeqqutit uku akeqqulaassavakka:

1. Naalackersuisut, immaqaa kalaallit folketingimi ilaasortaataat aqqutigalugit, qallunaat naalackersuisuinut imaluunniit qallunaat angalanermut ataatsimiititaliaanut saaffiginnilersaarnertut kalaallit ilinniagaqartut 26 sinnerlugit ukiullit kalaallit

¹http://www.dsb.dk/cs/Satellite?pagename=DSB/Page/Indholdsside_med_sidemenu_og_introindhold&c=Page&cid=1134715686760&a=Artikel&aid=1045494203624&p=Artikel&pid=1045494203624

²<http://www.folketinget.dk/?/samling/20061/MENU/00000002.htm>



ilinniagaqarnersiutaannik pisartagaqartut Wildcard-imik aqqissuussamut annertusisamut ilaatilernissaat siunertaralugu?

2. Taamaassangippat Naalakkersuisut Danmarkimi kalaallinut ilinniagaqartunut angalanernut tapiissutip eqquteqqinnissaa periarfissatut isiginerlugu?
3. Angalanernut tapiissutip siusinnerusukkut atuussimasup Danmarkimi kalaallinut ilinniagaqartunut eqquteqqinnissaa qanoq ittunik aningaasartuutitaqassava? Tassunga tunngatillugu ilanngullugu kalerriutigeqquneqarpoq tapiissut 26-leereersimasunuinnaq atortinneqassappat qanoq akeqassanersoq, qallunaat ilinniartuinit aningaasaqarnikkut naligiinnerusumik inissisimanissaat anguniarlugu.
4. Aningaasat atorsinnaasat nalinginnaasut qanoq amerlatigisut Naalakkersuisut naatsorsuutigisarpaat ilinniartunut kalaallit ilinniagaqarnersiutaannik pisartagalinnut?
5. Qanoq annertutigisumik aningaasat atorsinnaasat taakku naammattusaarneqarsimappat ilinniartumut ataatsimut Qallunaat Nunaanni illoqarfinni ilinniarfiusuni marlunni annerni agguaqatigiissillugit inuuniarnermut aningaasartuutitut naatsorsorneqarsimasunut naleqqiullugit?
6. Ilinniagaqartoq qallunaat SU-annik pissarsiaqartoq ataatsimut katillugit qanoq amerlatigisunik pisortanit tapiissutisarpa ilinniartumut kalaallit ilinniagaqarnersiutaannik pissarsiaqartumut naleqqiullugu?
7. Naalakkersuisut ilinniagaqarnersiutit annertussusiat ilinniagaqartullu naammassinnittartut amerlassusiat ataqatigiinnersut qanoq ittumik misilittagaqarfigivaat?
8. Naalakkersuisut nalilersuinerat malillugu ilinniagaqartut aningaasatigut pisariaqartitaat qanoq annertutigisut ilinniagaqarnerup saniatigut sulinikkut nalinginnaasumik matussuserneqartarpat?
9. Ilinniagaqarnerup saniatigut uuttortarneqarsinnaasumik sulisarneq ilinniagaqarnermut sivit-sorsaasarnersoq imaluunniit sivit-sorsaqaataasarnersoq Naalakkersuisut misilittagaqarfiginerlugu?
10. Naalakkersuisut periarfissaasinnaasunik uparuaasinnaanertutik ilinniagaqarnersiutit ersoqatigiinnerusumik aqqissornissaannut, ilinniagaqarnersiutit ilinniagaqartunut piviusumik pisariaqartitsinerpaanut siunnerfeqartilerlugit?
11. Naalakkersuisut allanik suliamut soqutiginaateqarsinnaasunik kalerriussassaqaarnerlutik?

Apeqqutit tiguneranniit ullut 10 ingerlaneranni akeqquneqarput.

Inussiarnersumik,

Lene Knüppel